

中國方志叢書·華中地方·第八三九號

據

清·楊詒，徐迪惠等纂修
清道光六年刊本

影印

江 西 省

泰和縣志

(七)

成文出版社有限公司印行

中華民國七十八年三月臺一版

泰和縣志

共七冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

泰和縣志卷四十

吉安府泰和縣知縣

潼關楊

訥原編

上虞徐迪惠訂正

藝文志

詩

七言古

秧馬歌

蘇軾

過廬陵見宣德郎曾君安止出所作禾譜文既溫
雅事亦詳實惜其有所缺不譜農器也予昔遊武
昌見農夫皆騎秧馬以榆棗為腹以楸桐為背如

小舟昂其首尾背如覆瓦以便兩髀較之偃僂而
作者勞逸相半矣乃作歌以遺曾君附禾譜之末
春雲濛濛雨淒淒春秧欲老翠剡齊嗟我婦女行水泥朝
分一壠暮千畦腰如篳篥首豚雞筋煩骨殆聲酸嘶我有
桐馬手自提頭尻軒昂腹脇低背如覆瓦去角圭以我兩
足為四蹄聳涌滑汰如鳧鷖纖纖束縈一可齎何用繁纓
與月題揭從畦東走畦西山城欲閉聞鼓輦忽作的盧躍
檀溪歸來挂壁從高栖了無芻秣饑不啼少壯騎汝逮老
鰥何曾蹶軼防顛躋錦韉公子朝金閨笑我一生塌半犁
不知自有禾馱馱

上權郡孫承議

黃庭堅

公家簿領如雞棲私家田園無置錐真成忍罵加飡飯不
如江西之水可樂饑它人勤拙猶相補身無功狀堪上府
公誠遣騎東縛歸長隨白鷗卧煙雨

長句謝陳適用惠送吳南雄所贈紙 黃庭堅

廬陵政事無全牛恐是漢時陳太邱書記姓名不肯學得
紙無異夏得裘琢詩包紙送贈我自狀明月非暗投詩句
縱橫剪宮錦惜無阿買書銀鈎蠻溪切藤卷盈百側釐羞
滑爾羞白想當鳴杵砧面平枕榔葉風溪水碧千里鵝毛
意不輕癢衣腥膩北歸客君侯謙虛不自供胡不贈世文
章伯一涔之水容牛蹄識字有數我自知小時雙鈎學楷
法至今兒子憎家雞雖然嘉惠敢虛辱煮泥續尾成大軸

永口系志

卷四

藝文

詩

二

寫心與君心莫傳平生落魄不問天樽前花底幸好戲為
君絕筆謝風煙已無商頌倚那手請續南華內外篇

上大蒙籠

黃庭堅

黃霧冥冥小石門苔衣草路無人迹苦竹參天大石門虎
迹兔蹊聊倚息陰風搜林山鬼嘯千丈寒藤繞崩石清風
源裏有人家牛羊在山亦桑麻向來陸梁嫚官府試呼使
前問其故衣冠漢儀民父子吏曹擾之至如此窮鄉有米
無食鹽今日有田無米食但願官清不愛錢長養兒孫聽
驅使

蟠龍山詩

羅 強

蟠龍山名何所因為言山作蟠龍形欲尋地志質諸古適

遇野老傳於今偉哉造化巧經始斲以斧鑿初無痕四傍
坦夷渺原隰一徑窈窕森松筠回旋屈曲隱頭角蓊鬱蔥
翠含精神若蹲若踞翫清隱不起不蟄司芳辰遙空水面
素澄澈縈若珠顆尤鮮明政當領下不易奪况復鱗逆誰
敢撓我疑此龍蟠亦久一日得志當求伸轟雷掣電掀碧
漢驤首曳尾凌青雲會從古穴起靈霓用作霖雨蘇蒼生
豈惟厚澤沛寰宇兼有餘潤清邊塵乃知神物終變化肯
容虺肆甘沉淪嗟予避寇偶居此坐見牙璋爭起兵張皇
旗幟亘遠道考擊鐘鼓辭嚴城共期元惡心膽破不待迎
敵神魂驚何知鼠輩怙同惡相與蠶食徒經旬傾囊竭篋
極侈欲戢戈橐矢尋歸程遂令強賊愈猖獗絕流肆毒屈

生靈未聞改轍事再舉但得飲氣潛悲辛龍乎龍乎速奔
逸吾將與爾俱飛騰直上天池最幽處噓風吸浪陪鷗鵬

王山

劉敏求

琉璃宮闕在何處玉洞年年鎖煙霧古人遺跡杳難尋只
有青山色如故青山峯律摩斗魁丹井星壇疊翠苔玉龍
經歲睡初起但覺噫笑生風雷昔日真人何澹泊蟬蛻人
間軒冕樂忽乘風馭今幾年至今不見雙飛鶴我辭塵網
到仙家馬蹏破雲歸路賒何時功名勒鐘鼎來伴羽衣餐
紫霞

次韻附

李玉璧

東遊喜得最勝處松竹陰森隱雲霧不有穹碑紀年月世

人那得知其故泰和諸山此為魁隗仙遺跡多荒苔石泉
六月洒晴雪陰洞有時鳴風雷仙馭當年此飄泊釣魚讀
書有真樂大郎坐化膺王封阿叔飛昇跨仙鶴倦來還過
山僧家地位清高煙景賒滾泉地上坐望久何須煮石傾
流霞

三顧山

劉敏求

三峰磊落排煙霧昔日幽棲有盧度簡編千古著清芬魚
以名呼鹿麀去後人妄議指子儀洗馬名池傳者誤好與
高禪對立祠庶使後人知有據

次韻

附

李玉壁

萬壑松風收宿霧茲遊風景勝前度清節百年臺尚存白

雲半閑僧已去講道惟於此處宜慕仙恐被癡人誤盧度
神術空有名汾陽遺跡本無據

大唐山

劉敏求

紛紛官道行如蟻不驚虛名即浮利路傍人指箇山中萬
瓦鱗鱗隱禪子我慚衣袂困風埃每見青山心輒喜暫求
楮帳曲肱眠且縱溪聲洗雙耳

武山

劉敏求

武山高兮高嵯峨仰視星斗勢欲摩輪蹄多見走名利誰
暇躡蹠蹬捫煙蘿我來一一訪靈跡陶皮石室留山阿當年
丹井深幾許不復再見生微波山童為我擊石鼓却怪絕
頂生鳴鼉山前焦枯待霖雨靈鼉一出知滂沱嗟予愧無

蘇旱手山靈應怪空吟哦石傍洗硯染銀筆不如且賦采
芝歌

送羅與敬歸西昌

劉朱之

石龍磯畔多芳草遊子憶家春已老水北楊花撲地飛旁
人謾道飛花好愛子不忍別送子到水濱青天孤影飛黃
鵠落日長風吹斷雲朝發銅塘津暮宿青泥渡帆過孝通
祠漸是西昌路金魚洲遠樹青青三顧浮烟生杳冥石扶
壞道通高閣水齧危沙見古城君家正在何方住獨有園
廬俯江渚昨夜深閨夢遠人相思定倚櫻桃樹

題秋江待渡圖為蕭學士賦

劉崧

小航衝風岸將及行人下馬沙頭立水濶雲深野渡閒天

寒日暮歸心急人生行役安可休到江路盡還通舟誰能
裏足山中老不識風波一日愁

題溪山春曉圖寄贈蕭紳

劉崧

土山戴石石角傾偃樹雜出如幢旌青天微茫曉色動雨
氣合沓千峰晴野橋西邊有村路之子鳴鞘踏雲去重巖
花發似聞香隔水鶯啼不知處東南連年飛戰塵如此山
水何清新石田到處長荆棘豈有荷耒春耕人我昨西遊
登武姥手扶雲霞望仙府把酒忽逢東海生醉卧溪南紫
蘿雨紫蘿陰陰覆巖扉十日尋幽行未歸雲峰流泉半空
落六月飛雪霑人衣拂衣歸隱知何日却對畫圖心若失
不聞流水渡溪還時見浮雲向山出懷哉桃花修竹林江

梅秋高烟霧深豈無耕釣在田野誰識悠悠沮溺心

寄曾郁文短歌

劉崧

澄江水向東流流向西昌江上頭我有故人在江上十年
不見增煩憂白沙水聲寒活活黃巖雲氣凝清秋豈無沙
棠榭吳女謳可載酒同遨遊狂風吹山波浪惡使我不
得回輕舟翩翩雲中雙飛燕銜書寄我頻留戀書中展轉道
深情但恨相思不相見春燕飛來不復歸報書不達壯心
違碧蘭紫蕙何由采即恐蕭條霜露稀

題曾郁文所藏山水小景

劉崧

隔溪望見林間屋沙澍陰陰俯羣木溪流合處一橋孤春
雨來時萬山綠江南北景真可憐米家筆意誰能傳却憶

故廬珠浦上短籬長繫釣魚船

風俗

劉崧

鄉民信鬼不信藥東鄰刺豕西鄰禰捐金買紙作冥錢疊束整齊巧鑱鑿圓如榆莢薄且輕簌簌不作金銅聲蔡倫以前未製造病者必死應無生人生奔波冒寒暑爾自有病鬼何與主人邀巫強乞靈昵昵致祠撒神糈席茅藉草堆紙錢爇火一烈紅滿天四鄰高賀得神福滅燭高臺攘酒肉

大寧寺

王沂

平日愛山被山誤茲遊况值青春暮花滿凌空宴客樓草迷前日尋仙路月下呼龍霧雨扉雲中奏樂天風度諸賢

竟夕思飄飄秀句多因有神助

壬寅紀異同劉以和賦

王沂

壬寅仲春天雨雹南屏城中盡驚愕初從屋瓦亂崩騰散
入階除更跳躍兒童不識挽衣盛兩兩相看恣相謔老年
閱歷憂患餘却顧兒童淚雙落春秋咎徵不一書茲事班
班宛如昨自從兵變十年來瀕洞風塵亘沙漠奮當車轍
小物為天理何嘗宥元惡竊聞李郭收兩京元氣依然萃
光岳旄頭夜夜燦中天風虎雲龍聖人作嗚呼風虎雲龍
聖人作吾徒勿憂在溝壑

牧童謠

周是修

遠牧牛朝出東溪溪上頭溪頭草短牛不住直過水南芳

草洲脫衣渡水隨牛去黃蘆颭颭風和雨老鴉亂啼野羊
走絕谷無人驚四顧寒藤枯木暮山蒼同伴相呼歸又忙
石稜割脚茅割耳身上無有乾衣裳却思昨日西邊好曠
坂平原盡豐草短蓑一卧午風輕長笛三吹夕陽早

武山

周是修

武山山勢凌雲雄當南突出虎鼻峰峰頭直上九千丈翠
光倒削玉芙蓉飛湍瀑流掛絕壁松檜龍鱗柯鐵屈就中
樓閣開窅冥風霆白晝驚霹靂紫虛真人華蓋仙朱顏綠
髮不笑言手持天關踏地軸服餌元牝畊丹田琪花瑤草
時堪把紅塵誰是長年者猿鶴如能問道心雲在山上水
山下

王氏江居席上醉歌行

周是修

王君家住河上頭，河水八月清瀏瀏。
西風入林竹，屋冷蟬鳥雜鳴嫌不幽。
生平於我交最密，儼然膠漆深相投。
君常慕作泉石隱，我亦好為山澤遊。
別來未久若數載，一見輒復苦死留。
進我玉壺之芳醪，饌我璧盤之珍羞。
小兒進蔬果，大兒參獻酬。
况有白髮親，諧謔相綢繆。
於此不醉將何求？日高豪飲達半夜。
中天片月清輝流，銀河明滅北斗轉。
繁露欲墜焚烟收，是時杯行已不記。
但覺淋漓雲錦裘，庾亮南樓非足擬。
山簡習池安得儔？君不見金谷園，
亂鴉芳草黃昏後。綠珠紅粉千年愁，
又不見朱雀門，霜戈鐵馬坐無敵。
擒虎英雄今亦休，不須富貴勞所志。
且飲百斛寬煩